



SAKSFRAMLEGG

Saksnr:	Utval:	Dato
	Formannskap/plan- og økonomiutvalet	
	Kommunestyret	

Sakshandsamar:	Arkiv:	ArkivsakID
Kenneth Stokke	FA-U63	20/442

FAKTURERING AV SKJENKEAVGIFT I 2020

Rådmannen sitt framlegg til vedtak:

Vaksdal Kommune avstår frå å fakturere skjenkegebyr til dei 6 serveringstadene som kommunen skal fakturere dette gebyret til i 2020, for skjenkeløyve i 2019. Mindreinntekta vert belasta/innarbeida i kommunen sitt rekneskapsmessige resultat for 2020.

Saksopplysningar:

Samandrag/konklusjon (kort om saka)

Vaksdal Kommune fakturerer skjenkegebyr til serveringsstader for 2019 i 2020. Dette skal no gjerast. Saka er om dette skal gjerast no eller om kommunen skal avstå frå å krevja dette gebyret i 2020, ettersom skjenkestadane har måtte stengje ned og har fått redusert aktivitet og omsetnad som følgje av korona pandemien. Rådmannen sitt forslag er å avstå frå å krevja dette gebyret i 2020, som eit hjelpetiltak for å motverke dei negative konsekvensane til serveringsstadane i kommunen som følgje av korona pandemien i 2020.

Bakgrunn for saka

Vaksdal Kommune kjøper teneste for skjenkekontroll frå Kvam kommune. Fleire kommunar er med i dette samarbeidet og Kvam kommune utfører kontroll av skjenkestader i desse kommunane. For dette skal Vaksdal Kommune betale om lag kr. 110 000,- i 2020, til Kvam kommune, og Kvam kommune fakturerar dette løpande pr kvartal.

For å dekkje dette beløpet krev kommunen inn skjenkegebyr frå serveringsstader som serverer alkohol. Desse serveringsstadene har i 2020 opplevd nedgang i salet av mellom anna alkohol, då dei har måtte stengje ned som følgjer av korona pandemien. Grunnlaget for deira omsetnad er derfor redusert i denne perioden. Det er framleis uvisst kor lenge dette vil vare men det er forventa at omsetnaden av alkohol/generell aktivitet på serveringsstadane, vil bli sterkt redusert i 2020. Fakturabeløp til serveringstadane er 5300,- for året. Kommunen har 6 serveringsstader som skal fakturerast for dette beløpet. Utsalsstader (butikkar etc.) er ikkje med i dette/denne saka då korona pandemien ikkje er forventa og gje tilsvarande nedgang for desse.

Kommunane i samarbeidet med Kvam har ulikt syn på om gebyret som skal fakturerast i 2020, eller om dette skal ettergjes som støttetiltak som følgje av korona eller ikkje. Ein av kommunane har fakturert gebyret, ein annan har valgt å avstå og andre har ikkje tatt stilling til saken enda. Dersom

Vaksdal Kommune vel å avstå frå fakturering av dette gebyret så er det ein hjelp som kommunen vel å gje til dei serveringsstadane som er ramma av nedstengingen pga korona viruset.

Alkoholforskrifta §6-2 lovfestar kommunen sin rett til å krevje inn gebyret og sett størrelsen på gebyret. Forskrifta seier også at kommunen kan i «*særlege tilfeller*» bestemme at gebyret vert sett lågare. Denne saka legg opp til at gebyret vert sett til 0,- i 2020, for 2019.

Formelt grunnlag

Forskrift om omsetning av alkoholholdig drikk mv. (alkoholforskriften)

Vurdering og konsekvensar

Dersom kommunen lar vere å fakturere dei 6 serveringsstadene som dette gjeld vil kommunen tape om lag 31 000,- i 2020. Faktura for jobben som er gjort frå skjenkekontrollør vil ikkje bli redusert og kommunen får dermed ein mindreinntekt på området som skal ha inntekta.

Tiltaket vil støtte lokalt næringsliv med same sum og vil venteleg gje betre likviditeten og resultatet til dei 6 serveringsstadene som kommunen har.